



O'ZBEKISTON RESPUBLIKASI SOG'LIQNI SAQLASH VAZIRINING B U Y R U G' I

20 22 yil " 24 " 03

№ 88

Toshkent sh.

Тиббиёт ходимларининг одоб-ахлоқ Кодексини тасдиқлаш ҳақида

Тиббиёт ходимлари ўз касбий мажбуриятларига риоя этишини таъминлаш, манфаатлар тўқнашуви ва коррупция ҳолатлари юзага келишининг олдини олиш механизмларини такомиллаштириш ҳамда Ўзбекистон Республикаси Соғлиқни сақлаш вазирлигининг 2022 йил 14 февралдаги 14-сон тезкор йиғилиши баёнининг 14-банди ижросини таъминлаш мақсадида

Б У Ю Р А М А Н :

1. Қуйидагилар:

Тиббиёт ходимларининг янгиланган одоб-ахлоқ кодекси (кейинги ўринларда - "Кодекс" деб юритилади) **1-иловага мувофиқ**;

Соғлиқни сақлаш вазирлиги тизимидаги барча корхона-ташкилотлар, олий ва ўрта-махсус таълим муассасаларида фаолият юритаётган ходимлар ҳамда талабаларнинг одоб-ахлоқ Қоидалари **2-иловага мувофиқ** тасдиқлансин.

2. Қорақалпоғистон Республикаси Соғлиқни сақлаш вазирлиги, Тошкент шаҳар соғлиқни сақлаш бош бошқармаси, вилоятлар соғлиқни сақлаш бошқармалари, вазирлик тасарруфидаги Республика муассаса, ташкилотлар ва ихтисослаштирилган илмий-амалий марказлар, Олий таълим муассасалари, Фармацевтика тармоғини ривожлантириш агентлиги ҳамда Санитария-эпидемиологик осойишталик ва жамоат саломатлиги хизмати раҳбарларига:

қўл остидаги барча ходимлар ва талабаларни мазкур буйруқ билан тасдиқланган Кодекс талабларига қатъий риоя қилишларини таъминласин ва назоратга олсин;

Кодекс асосида муассаса фаолиятдан келиб чиққан ҳолда ички меъёрий ҳужжатларни ишлаб чиқсин ва ўрнатилган тартибда барча ходим ва талабаларга таништирилишини таъминласин;

мазкур буйруқ талабларини бузган раҳбар ва масъул ходимларга қонунчиликда ўрнатилган тартибда жазо чоралари қўлланилиши кўрсатиб ўтилсин;

ўз фаолияти хусусиятларини ҳисобга олган ҳолда, Кодекс асосида ташкилот ходимлари учун мажбурий бўлган ходимларнинг идоравий одоб-ахлоқ қоидаларини ишлаб чиқсин;

ички меҳнат тартиб-қоидаларини ва бошқа идоравий ҳужжатларни ушбу буйруққа мувофиқлаштирсин.

4. Белгилаб қўйилсинки, ходимларнинг тасдиқланадиган идоравий одоб-ахлоқ қоидаси мазкур Кодекс талабларига зид бўлиши ёки унда белгиланган нормалардан паст даражадаги талабларни назарда тутиши мумкин эмас.

5. Ўзбекистон Республикаси Президентининг 2021 йил 24 декабрдаги ПҚ-60-сон “Давлат олий таълим муассасаларининг академик ва ташкилий-бошқарув мустақиллигини таъминлаш бўйича қўшимча чора-тадбирлар тўғрисида”ги Қарори билан 2022-2023 ўқув йилидан бошлаб молиявий мустақиллик берилган олий таълим, ўрта махсус ва профессионал таълим муассасалари ички тартиб қоидалари, жумладан таълим оловчиларининг кийим-бошига доир талабларини мустақил белгилаш ҳуқуқи берилганлиги сабабли буйруқ билан тасдиқланган 2-илова улар учун тавсиявий характерга эга эканлигини айтиб ўтилсин.

6. Тизимдаги барча ташкилотлар раҳбарлари:

тегишли мутахассисларни жалб этган ҳолда, ходимлар ва талабалар ўртасида тушунтириш ишлари олиб борилишини таъминласинлар.

7. Ўзбекистон Республикаси Соғлиқни сақлаш вазирлигининг 3-иловага мувофиқ айрим буйруқлари ўз кучини йўқотган деб ҳисоблансин.

8. Мазкур буйруқнинг ижросини назорат қилиш Ўзбекистон Республикаси Соғлиқни сақлаш вазирининг биринчи ўринбосари А. Иноятов зиммасига юклатилсин.

Вазир



Б. Мусаев